

Հանրապետությունում եւ հայոց Արցախում իրադրությունը մնում է գերլարուած: Շարունակում են խորհրդային բանակի եւ ազերի ՕՍՕՆականների յարձակումները սահմանամերձ գիւղերի վրայ:

Գետաշէնի ենթաշրջանից բնիկ ժողովրդի՝ հայութեան ցեղասպանութիւնից ու տեղահանութիւնից յետոյ, ամեն հիմք կայ սպասելու, որ նոյն գործողութիւնները շարունակուելու եւ տարածուելու են Շահումեանի շրջանում, Բերդաձորում եւ այլ ռազմավարական նշանա-

կութեան բնակավայրերում:

Գորբաշովը Վիլնիուսի սպանդից յետոյ «դաստիարակչական» արիւնտ դասեր է տալիս ազգային ազատագրութեան դրօշը պարզած հայութեանը:

Խորացող ճգնաժամի կանխման, Հայաստանի անվտանգութեան ապահովման նպատակով անհրաժեշտ է ԱԶԳԱՅԻՆ ՇՐՋԱՀԱՅԵԱՑ ԵՒ ՀԱՒԱՍԱՐԱԿՇԻՌ քաղաքականութիւն:

## ԽՈՐՀՐԴԱՅԻՆ ԲԱՆԱԿԸ ԶԱԽՓՈՒՄ Է

### ԳՈՐԻՍԻ ՍԱՀՄԱՆԱՄԵՐՉ ԳԻՒՂԵՐԸ

Գորիս, 7 Մայիսի, Մ.Տ.Կ.,- Մայիսի 7ի առաւօտեան ժամը 6ի տուեալներով խորհրդային զօրքը մտել է Գորիսի շրջանի սահմանամերձ բոլոր հայկական գիւղերը: Տարբեր գիւղերից զինուորները պատանդ են վերցրել 20 մարդ եւ տարել անյայտ ուղղութեամբ: Ըստ տեղեկութիւնների, վիրատուել են 7-8 հայեր: Իրականացուող գործողութիւնների ողջ ընթացքում Գորիսի եւ գիւղերի վրայով փոքր բարձրութեան վրայ բռել են զինուորական ուղղաթիւներ:

Շուռնուխ գիւղը ենթարկուել է զնդակոծութեան, որից յետոյ գիւղ է իջեցուել դեսանտային ջոկատ: Կան վիրատուներ, որոնք տեղափոխուել են Գորիսի հիւանդանոց. 15 հոգու պատանդ են տարել Կուբարու: Զրահամեքենաներից կրակել են խոզնավար գիւղի վրայ:

Մայիսի 7ին առաւօտեան ժամը 6ին Կոռնիձորի անասնապահական համալիրի վրայ, որտեղ գիւղի անասնապահների անվտանգութիւնն էին ապահովում ՄՕՅԶի 11 ոչ տեղացի մարտիկներ, միլիցիայի մէկ մայորի և մէկ կապիտանի հետ համատեղ, հրանօթային կրակ է բացուել Լաչինի շրջանի կողմից: Նոյն կէտից հրանօթային կրակ է բացուել նաեւ Գորիսի շրջանի Տեղ գիւղի ուղղութեամբ: Զգալով կանխահաս վտանգը, անասնապահները վերադառնում են գիւղ, իսկ ՄՕՅԶի մարտիկները մտածելով, որ հեռանալը դաւանաւորութիւն կը լինի մնում են իրենց տեղերում: ԽՍՀՄ ՆԳ նախարարութեան յատուկ նշանակութեան ջոկատայինները, երկու գրահամեքենաներով եւ մէկ ՈՒՐԱԼ մակնիշի մեքենայով (մօտ 30 հոգի) Լաչինի շրջանի կողմից մտնում են Հայաստանի տարածքը: Հեռուից խորհրդային բանակի զինուորները նշանառութեան տակ էին պահում ՄՕՅԶի մարտիկներին: 15 րոպէ անց ահագանգ ստանալով Կոռնիձորից, Գորիսի ՆԳ բաժնի 3 միլիցիոներներ մեկնում են դէպի վայր: Տեղ հասնելով, խմբի աւագը փորձում է բանակցութիւնների մէջ մտնել խորհրդային բանակի մայորի հետ: Սակայն վերջինս միլիցիայից նոյնպէս պահանջում է զինաբափ լինել: Դժուարութեամբ յաջողում է համոզել զինուորական մայորին, որ միլիցիայի զէնքերը պէտք է մնան անձեռ նմխելի: Մայորը բանակի գործողութիւնները մեկնաբանում էր այսպէս. Շուռնուխից հայ գրահայինները զնդակոծել են մեր զինուորական ուղղաթիւը, որի մէջ գտնուել է բանակի մէկ զենքերաւ, գործի հետամննութիւնը անցկացնելու նպատակով ստիպուած ենք ձեր ներկայութեամբ այս 11 հոգուն տեղափոխել Լաչինի շրջանի զինուորական պարետատուն: Գորիսի ՆԳ բաժնի միլիցիայի մայորը եւ կապիտանը ստիպուած ենթարկուում են: Զինուորականները վերջնագիր էին ներկայացրել ՄՕՅԶի մարտիկներին. եթէ վերջիններս զէնքը վայր չդնեն 20 րոպէից, ապա բոլորին կը կոտորեն: Խորհրդային բանակի զինուորները զինուած էին բոլոր տրամաչափի զէնքերով: Զինուորականների ներկայացուցիչը ասաց, որ իրենք կատարում են հրաման եւ անմիջապէս ենթարկուում են ԽՍՀՄ ՆԳ նախարար Պուզոյին: Եթէ ցանկանում էք, որ տղաները շուտ ազատուեն, ապա



ԴԱՐՉԵԱԼ ԶՐԱՀԱՄԵՔԵՆԱՆԵՐՈՎ



ԴԱՐՉԵԱԼ ՍՈՒԻՆՆԵՐՈՎ



պետք է դիմել Պուգոյին»: Գորիսի ՆԳ աշխատակիցների ներկայությամբ նրանք ՄՅՅԶի մարտիկների գեները, զինամթերքը եւ զրահագրեստները բարձեցին իրենց հետ բերուած «Ուրալ» մեքենան եւ իրենց հետ վերցնելով ՄՅՅԶի մարտիկներին, շարժուեցին Լաչինի ուղղությամբ:

Կողմիձորն այս պահին գտնուում է խունապի մէջ: Առանց որեւէ պաշտօնական յայտարարութեան գիւղի բընակչութեան մօտաւորապէս կէսը լքել է գիւղը եւ եկել Գորիս:

Այսօր առաւօտեան ժամը ճին հրթիռներով զինուած երեք զինուորական ուղղափոխներ պտտուում էին Գորիսի վրայ, իսկ նրանցից մէկը, թեփուելով Շուռնուխ գիւղի մօտ գտնուող ռադիո-հեռուստակայանի կատարի տեղամաս, սկսում է այն գնդակոծութեան ենթարկել: Այնուհետ, երբ այնտեղ գտնուող երկու հերթաօդակները եւ ՄՅՅԶի երեք մարտիկները Գորիսի ռադիակայանի պետին են զանգահարել եւ յայտնել հեռուստակայանի գնդակոծութեան մասին, հեռուստակայանը թողնելու հրահանգ են ստացել: Առայժմ 5 հայերի հետագայ ճակատագիրը անյայտ է: Հեռուստահաղորդումները դադարեցուած են:

Արաւուս գիւղում պայքեցրել են հսկիչ կէտը, ոչնչացրել մէկ տրակտոր, խուզարկել են անասնագոմը, գողացել գոյքը:

Գորիս-Կապան ճանապարհի վրայ զինուորները յարձակուել են «Կամագ» մակնիշի մեքենայի վրայ, զնդակոծել այն: Երեք ուղեւորները վիրաւորուել են: Լկտի-աբար վիրակապ առաջարկելով վիրաւորներին, զինուորները խուզարկել են մեքենան:

Գնդակոծութիւնը շարունակուում է: